



Khutba Jummah

HADHRAT MUHYI-UD-DIN AL-KHALIFATULLAH
Munir Ahmad Azim

16 Juin 2017
(21 Ramadhan 1438 AH)

Après ki li fine salué tous so bane disciples (et tous bane musulmans) dans le monde entier avec la salutation de paix dans l'Islam, Hazrat Muhyi-ud-Din (atba) fine lire Tashahhud, Ta'uz, et Surah Al Fatiha, et li fine ensuite axé so Khutba Jummah lor bane « 10 Derniers Jours Ramadhan »:

بِسْمِ اللَّهِ الرَّحْمَنِ الرَّحِيمِ ﴿١﴾ إِنَّا أَنْزَلْنَاهُ فِي لَيْلَةِ الْقَدْرِ ﴿٢﴾ وَمَا أَدْرَاكَ مَا لَيْلَةُ الْقَدْرِ ﴿٣﴾ لَيْلَةُ الْقَدْرِ خَيْرٌ مِنْ أَلْفِ ﴿٤﴾ شَهْرٍ ﴿٥﴾ تَنْزِيلُ الْمَلَائِكَةِ وَالرُّوحِ فِيهَا بِإِذْنِ رَبِّهِمْ مِنْ كُلِّ أَمْرٍ ﴿٦﴾ سَلَامٌ هِيَ حَتَّىٰ مَطْلَعِ الْفَجْرِ ﴿٧﴾

Bismillaahir-Rahmaanir-Rahiim; 'Innaaa 'anzalnaahu fii lay-latil-Qadr: Wa maaa 'adraakamaa Laylatul-Qadr? Laylatul-Qadri khayrum-min 'alfi shahr. Tanazzalul-malaaa 'ikatu war-Ruuhu fiihaa bi-'izni-Rabbihim-min kulli 'amr: Salaamun Hiya hattaa matla-'il-Fajr.

Au nom d'Allah, le Très Gracieux, le Très Miséricordieux. Vraiment, Nous fine fer (le Quran) déssane pendant la Nuit du Destin. Et ki pou faire toi conner ki été sa la Nuit du Destin ? La Nuit du Destin li meilleure ki mille mois. Bane anges et l'Esprit déssane pendant sa la nuit là, par permission zot Maître, avec tout bane l'ordre. C'est la paix, ziska ki soleil levé. (Al-Qadr 97: 1-6)

Couma zot tous conné, nous fine fini rentre dans dernier partie du mois de Ramadhan, kot dans ene de sa bane la nuits là, ena ene la nuit extrêmement spéciale, ki vaut plisse ki mille mois de bénédictions ki nous habituer gagner de nous bane *Ibaadat* en temps normale.

Couma dans ene Hadith fine mentionné, Nabi Kareem Hazrat Muhammad (saws) fine dire: « *C'est ene mois, kot so premier partie apporte la Miséricorde d'Allah, so milieu apporte le pardon d'Allah, et so dernier partie (c'est-à-dire, les 10 derniers jours de Ramadhan) apporte ene libération de difé l'enfer.* » (Bukhari).

Dans ene l'autre Hadith, Hazrat Anas bin Maalik (ra) rapporté ki à l'occasion Ramadhan, le Saint Prophète (saws) fine dire: « *En réalité, sa mois là fine vine parmi zot dans lequel ena ene la nuit ki meilleur ki mille mois. Alors celui ki pas profite de sa la nuit là, li fine perdi tous de bon ki ena.* » (Ibn Maja, Mishkât)

A la lumière de sa bane versets de Surah d'*Al-Qadr* (Le Destin) et bane Hadiths ki mo fine mette devant zot azordi, li bon ki mo explique zot encore ene fois couma sa verset là fine révélé. L'année allé, l'année vini, mais bane paroles et l'enseignement d'Allah et de so *Rassool* (Messenger) reste intacte, et c'est mo devoir pou répéte sa avec zot parski sa forme partie de nous l'histoire en tant ki musulmans, ene telle l'histoire et pratique ki bizin reste vivant ziska le Jour du Jugement dernier, ene telle l'histoire ki pou encourage tous bane musulmans pou donne zot létemps, moyens et coup de main pou fer l'Islam briyé dans le monde.

Donc, ene jour le Saint Prophète Hazrat Muhammad (saws) ti pé raconte la vie d'ene dimoune pieux ki appelle Shamsoon (ra) et li ti vive parmi bane *Bani Israil*. Alors d'après séki nous comprend, li ti ene dimoune ki ti pé faire beaucoup *Ibaadat* et la guerre sainte (*Jihad*) pendant ene durée de mille mois. Kan bane *Sahaba* (compagnons) du Saint Prophète (saws) fine tanne sa, zot fine pensé ki zot pas pou capave faire autant *Ibaadat* couma Hazrat Shamsoon (ra) et zot fine paraitre bien triste. Pour encourage zot, Allah dire ki si l'*Ummah* (Communauté) de Hazrat Muhammad (saws) faire *Ibaadat* dans sa ene la nuit *Laila-tul-Qadr* là, alors zot *Ibaadat* pour meilleur ki mille mois *Ibaadat*.

Alors *Laila-tul-Qadr* li ene la nuit remplie de bénédiction et de valeurs. C'est ene grand faveur d'Allah lors l'*Ummah* de nous bien-aimé *Nabi*, Hazrat Muhammad (saws) kot Li fine manifester ene telle la nuit, kot kan So bane banda (serviteurs) sincère pou fer *Ibaadat* là-dans. C'est-à-dire, pendant le *Laila-tul-Qadr*, zot gagne bénédictions (*thawaab*) plisse ki mille mois so *Ibaadat*. Pou *Ummat* (Communautés) de bane prophètes (as) ki ti vini dans le passé, pas ti ena ene telle la nuit kot Hazrat Jibrail (as) - c'est-à-dire, le Saint Esprit (*Ruh'il Quddous*) - et bane anges descende lors la terre kot zot envoye la paix

d'Allah lors bane musulmans ki pé faire *Ibaadat* dans n'importe ki façon et aussi zot faire *duah* et demande pardon avec Allah pour sa bane dimounes là. Dans So sagesse, Allah fine cachiette sa la nuit là dans 10 derniers nuits du mois béni de Ramadhan afin ki bane musulmans zot faire bane zéffores nécessaires pour recherche li. Dans sa façon là, zot courage augmenter, et pou bénéficier de *Laila-tul-Qadr*, zot passe sa bane la nuit là dans *Ibaadat* pour Allah. Zot sacrifier zot létemps, sommeil etc. pou Allah, pou réussi gagne bane bienfaits multiples de sa la nuit là.

D'après ene Hadith rapporté par Hazrat Aisha (ra), Nabi Kareem (saws) ti pé faire beaucoup plisse zéffore (dans *Ibaadat*) dans dix derniers nuits (Ramadhan) comparé à d'autres nuits. (Muslim, Mishkât). D'après plusieurs lézot Hadiths, le *Laila-tul-Qadr* trouve parmi bane la nuit impaires de dix derniers la nuits de Ramadhan (21, 23, 25, 27 & 29). À la lumière de sa bane Hadiths là, le *Laila-tul-Qadr* li la nuit kot premier révélation Quran ti déssane. Hazrat Muhammad (saws) même pas fine précisé ki date sa, mais li fine dire ki li ene parmi bane la nuit impaires de bane derniers dix la nuits de Ramadhan.

Fine ena bane grand, grand savants dans l'Islam ki fine commente lors *Laila-tul-Qadr*, kot zot d'accord pou dire ki li le 27^{ème} la nuit de Ramadhan. Sa bane savants là, tel couma Hazrat Ibné Abbas (ra), Hazrat Ubayy ibn Ka'b (ra) et Hazrat Imam Abu Hanifa (ra) et même Hazrat Muhyiuddin Sheik Abdul Qadir Jilani (ra) fine faire bane commentaires kot zot fine explique grandeur ki numéro 7 ena, ki pas trouve dans les autres numéros impaire tel couma 3, 5 ou 9. Zot appuye zot théorie et analyse à cause sa bane raisons suivants là :

1. Ena 7 les ciels et 7 terres.
2. Dans 1 semaine ena 7 jours et 7 nuits.
3. Nous faire 7 fois *tawaaf* (létour) autour Ka'aba Shareef.
4. Nous galope 7 fois entre Safa et Marwa.
5. Ena 7 *Ashab-é-Kahf* (c'est-à-dire, 7 compagnons de la Cave ki mentionné dans Quran, dans Surah Al-Kahf). Quoi ki le nombre exacte pas fine mentionner dans Quran, mais d'après bane analyses et l'histoire ki fine préserver depuis des siècles, sa bane savants là fine arrive à la conclusion ki c'est bel et bien 7 compagnons de la Cave ki ti ena.
6. Et toujours, d'après zot bane analyses bien profond, Hazrat Yusuf (as) ti reste dans prison pendant 7 ans.
7. Rêve léroi ki Hazrat Yusuf (as) fine interprété et ki mentionné dans Quran (dans Surah Yusuf) kot ti ena 7 vaches gras et 7 vaches maigres.
8. Nous faire 17 *Rakaat Namaz Farz* (cycles de la prière obligatoire) dans 24 heures.
9. Pou sak *Namaz* ena 7 kitchose ki *Farz* (7 conditions obligatoires ki pou complète *Namaz*).

Pour sa bane raisons là, d'après zot le chiffre 7 li plus grand ki les autres chiffres impaire. Le mot *Laila-tul-Qadr* li composé de 9 lettres et li paraitre 3 fois dans Surah Qadr. 3 fois 9 faire 27.

D'après Quran Shareef et Hadiths ki fine citer, nous capave trouve valeur et grandeur sa grand la nuit là et quantité bénédictions ki ena là-dans. Hazrat Abu Huraira (ra) rapporté ki Hazrat Muhammad (saws) fine dire: « *Celui qui prié pendant la nuit de Qadr avec ene la foi sincère et avec l'intention pour gagne récompenses de coté d'Allah, alors tous so bane péchés ki li fine commettre dans le passé pour être pardonnés et celui ki garde Roza dans le mois de Ramadhan avec ene la foi sincère et avec ene l'intention ki li pour gagne ene récompense de coté d'Allah, tous so péchés ki li fine commettre dans le passé pour pardonné.* » (Bukhari).

Dans ene l'autre Hadith Hazrat Aisha (ra) dire ki li fine demande Rassoollullah (saws) : « *Si mo arrive témoigne (ou joine) sa grand la nuite là, ki mo bizin faire ?* » Le Messager d'Allah (saws) fine réponde: « *Lire sa duah là beaucoup: 'Allahoumma innaka afouwwoun touhibboul afwa fa'fou-anni.'* » - Ô Allah ! To le Pardonneur et To content pardonner; alors pardonne-moi. (Mishkât, Ibn Maja, Tirmidhi).

Maintenant concernant l'**ITIKAAF**, en bref à cause faute de temps. L'*Itikaaf* veut dire reste (en retraite) dans Masjid pou faire *Ibaadat* et pense Allah beaucoup. Kan ene dimoune fait *Niyyat* (l'intention) pour reste *Itikaaf*, li bizin lire: « ***Nawaito Sounnatal Itikaafé Lillaahi Ta'ala*** » (Mo fer l'intention pou observe le *Itikaaf* ki ene *Sunnah* (de Hazrat Muhammad (saws)) pour Allah Ta'ala).

Hazrat Aisha (ra) rapporté ki le Saint Prophète (saws) ti pé faire *Itikaaf* dix derniers jours de Ramadhan ziska l'année ki li mort et ensuite so bane madames ti ena l'habitude faire *Itikaaf* après li. (Bukhari & Muslim).

Abu Huraira (ra) fine raconté ki le prophète (saws) ti ena l'habitude faire *Itikaaf* sak l'année et l'année ki li pou mort li ti reste *Itikaaf* pour 20 jours. (Bukhari).

Et pendant dernier Ramadhan de la vie de nous bien-aimé Nabi Kareem Hazrat Muhammad (saws), Hazrat Jibreel (as) ti vine vers li et fer li récite le Quran en entier deux fois. (Bukhari).

Alors, Ô mo bane disciples et tous bane musulmans, mazine bien l'importance capitale pou suivre le Quran et Sunnah, surtout kan Allah fine fer ou réussi trouve ene nouvo mois Ramadhan. Pas laisse sa bane jours et nuits là gaspiller. Profite au maximum de ou létemps dans *Ibaadat* en gardant l'espoir ki ou pou recevoir le *Laila-tul-Qadr*. Kan ou ena

l'espoir, et la foi ferme en Allah, alors Allah mette So bénédictions dans ou l'espoir et fer ou recevoir So grâce, bénédictions, pardon en abondance, ainsi ki protection contre l'enfer, et sa protection contre l'enfer vini kan ou contrôle ou bane *nafs* (ego, passions) et kot alors Allah déverse So miséricorde lor ou et fer ou réussi la guerre contre tous bane *Shayateen* (Satans) ki trouve dans ou. Fer pareil couma nous *Aka* (maître) Hazrat Muhammad (saws), anou lutter pou fer de sa *Shaytane* ki trouve dans nous là, nous fer li vine musulman. Et par sa moyen là, ki la porte l'enfer pou toujours reste fermer pou nous, et la porte paradis pou reste toujours ouvert, *Insha-Allah. Ameen.*

Maziné aussi ki sa l'époque ki zot pé vivre là-même c'est ene *Laila-tul-Qadr*, et heureux celui ki fine gagne la chance pou reste en compagnie de celui lor ki le *Ruh-ul-Quddous* fine déssane pou donne zot le message d'Allah, pou apporte la paix dans le monde et rétablir l'unicité d'Allah dans lékaire de bane dimounes.

Alors mo dire zot, ***Laila-tul-Qadr Mubarak!*** Ki Allah donne zot doublé de bane bénédictions de *Laila-tul-Qadr*, ene en étant ene témoin vivant et disciple d'ene Messenger d'Allah et l'autre ene récipiendaire de bane bénédictions de *Laila-tul-Qadr* de mois Ramadhan. *Insha-Allah, Ameen.*